



Cyngor y Gweithlu Addysg

Cyfarfodydd o bell

Cyfarfodydd o bell: Priodoldeb i Ymarfer

O ganlyniad i'r cyfyngiadau sy'n parhau mewn grym yng Nghymru yn dilyn y pandemig Covid-19 yn ystod 2020, rydym wedi penderfynu, oni bai bod ffactorau eithriadol, y cynhelir pob cyfarfod gan ddefnyddio proses cyfarfodydd **o bell**. Cyfarfod o bell (y cyfeirir ato weithiau fel cyfarfod rhithwir) yw un a gynhelir ar-lein, gan ddefnyddio cyswllt fideo.

Canllaw lefel uchel yw hwn sy'n egluro sut y byddwn yn cynnal cyfarfodydd o bell at y diben o asesu addasrwydd ar gyfer cofrestru yn y tymor byr.

Cefndir

Ein cyfrifoldebau

A ninnau wedi ein sefydlu yn 2015 gan Ddeddf Addysg (Cymru) 2014, ni yw'r rheoleiddiwr proffesiynol annibynnol mwyaf yng Nghymru ar gyfer dros 80,000 o athrawon ysgol ac athrawon addysg bellach a staff cymorth dysgu, gweithwyr ieuenctid/cymorth ieuenctid cymwys ac ymarferwyr dysgu yn y gwaith.

Mae ein nodau yn cynnwys cynnal a gwella safonau ymddygiad proffesiynol ymhlith ein cofrestreion, diogelu buddiannau dysgwyr, rhieni a'r cyhoedd a chynnal ymddiriedaeth a hyder y cyhoedd yn y gweithlu addysg yng Nghymru. Gwnawn hyn drwy gadw Cofrestr o Ymarferwyr Addysg, a thrwy ymchwilio a gwrando honiadau o gamymddygiad, anghymhwysedd a throseddau sy'n codi amheuaeth ynghylch p'un a yw cofrestrai yn addas i barhau i ymarfer.

Mae'r Ddeddf yn mynnu hefyd ein bod yn asesu addasrwydd personau sy'n gwneud cais i gofrestru gyda ni.

Y Cod

Disgwylir i gofrestreion gadw at egwyddorion allweddol ein Cod Ymddygiad ac Ymarfer Proffesiynol. Gellir gweld y Cod yma.

Deddfwriaeth

Rydym wedi'n rhwymo gan y gofyniad i wrando achosion fel yr amlinellir yn Neddf Addysg (Cymru) 2014, fel y'i diwygiwyd, a Rheoliadau Cyngor y Gweithlu Addysg (Prif Swyddogaethau) 2015, fel y'i diwygiwyd.

Rydym wedi'n rhwymo hefyd gan, ac yn ymroi i, ddyletswydd cydraddoldeb y sector cyhoeddus sy'n benodol i Gymru, Safonau Cymru a deddfwriaeth y Rheoliad Cyffredinol ar Ddiogelu Data (GDPR).

Egwyddorion a gymhwyswn

Rydym yn cymhwyso'r un egwyddorion sylfaenol i bob achos a chyfarfod, sef egwyddorion **tegwch, effeithlonrwydd, tryloywder, didueddrwydd, cyfrinachedd a chyfiawnder naturiol**.

Cyfarfod o bell

Hyd yn oed yn y dyddiau digynsail hyn, mae cyfrifoldeb arnom o hyd i gyflawni ein nod a'n swyddogaethau.

Ar ôl gohirio ein gweithgarwch cyfarfodydd ers mis Mawrth, rydym wedi cael cyngor cyfreithiol sy'n cadarnhau bod parhau gyda chyfarfodydd o bell yn gymesur a theg. Gwyddwn hefyd o'n hymchwil helaeth fod yr ymagwedd hon wedi bod ar waith ers cryn amser gan reoleiddwyr eraill, yn ogystal â'r farnwriaeth, gan alluogi'r system llysoedd i barhau i weithredu.

Proses

Bydd cyfarfodydd yn cael eu rheoli o bell gan ddefnyddio meddalwedd Zoom Professional, ac mae pob un o'n haelodau panel a staff wedi cael hyfforddiant i'w defnyddio.

Byddwn yn cyhoeddi canllawiau defnyddwyr Zoom Professional mewn da bryd i'r rheiny sy'n gysylltiedig â chyfarfod, yn cynnal galwadau prawf ymlaen llaw ymlaen llaw ac ar y diwrnod. Gwnawn hyn i sicrhau bod y cyfarfod yn cael ei gynnal mor hwylus ag y bo modd, er ein bod yn derbyn y gall problemau technegol godi o hyd. Bydd rhifau deialu uniongyrchol a chyfeiriadau e-bost ein Tîm yn cael eu darparu i gyfranogwyr ymlaen llaw er mwyn helpu datrys unrhyw broblemau'n gyflym ar y diwrnod.

Byddwn yn parhau i recordio ein cyfarfodydd. Fodd bynnag, mae'n **gwbl waharddedig** i unrhyw berson arall wneud recordiad sain neu fideo, gwneud sgrin lun, tynnu llun, copïo neu rannu trafodion ein cyfarfodydd.

Gweithdrefn

Rydym yn derbyn y gall achosion cyfarfodydd o bell gymryd mwy o amser, ond fel arall mae ein proses yn parhau yr un peth fwy neu lai. Cadeirydd pwyllgor cyfarfod sy'n rheoli'r modd y caiff cyfarfod ei gynnal, ac mae'n gyfrifol am ddilyn y weithdrefn a bennwyd yn ein Gweithdrefn a Rheolau Disgyblu.

Mae cynghorwr cyfreithiol annibynnol yn eistedd gyda'r Pwyllgor i sicrhau bod y weithdrefn yn deg, ac i ddelio ag unrhyw bwyntiau cyfreithiol

Bydd ein staff yn monitro'n agos unrhyw doriadau yn y cysylltiad i unrhyw gyfranogwr, yn argymhell i'r Cadeirydd bod angen gohiriad, ac yn ceisio datrys y materion hynny'n gyflym.

Darparwn ganllawiau manwl mewn da bryd i gyfranogwyr cyn y cyfarfod er mwyn paratoi.

Rhagor o wybodaeth

Gallwch gysylltu â ni yn priodoldebiymarfer@cga.cymru

I gael gwybodaeth gyffredinol am CGA, ewch i www.cga.cymru